

vitem constituit et homines insimul habitare fecit, in qua etiam ora-
 culum edificavit, inde Neptunia menia appellavit. que postmodum
 a Trovilo, eius nepote, Troia appellata fuit, que paulatim crescens ad
 immensam magnitudinem devenit. deinde relique silvestres gentes
 ab eis exemplum accipientes in unum convenerunt et sic civitates 5
 et castella fecerunt. post multum vero tempus divicias superbiasque
 facientibus, postea bellis nascentibus, Memorion, ab obsidione^(a)
 Athenorum rediens Troiamque perveniens, Casandram, Priami soro-
 rem, subrípuít secumque portavit, de qua postea filios genuit. Pria-
 mus sibi Ecubam matrimonio copulavit, de qua Hectorem, Trovillum, 10
 Paridem et alios liberos habuit. que, cum gravida esset et nondum
 puerum peperisset, sompniavit se quandam facem concepisse, cuius
 igne totam civitatem videbat ardere. que retulit Priamo. ille
 autem precepit, ut stultorum est consuetudo virorum, quicquid ha-
 bent^(b) in corde, patefacere mulieri, quidquid ipsa pareret, sibi festi- 15
 nanter aduci, quia volebat, eciam si lapis esset, terere ventoque proi-
 cere. tempore pariendi expleto, Ecuba, ut mos^(c) est matrum plus
 se diligere filium, peperit et vocavit Paridem ipsum et occulte suo
 vacario in nemore iussit ad nutriendum dari et iacintum pulche-
 rimum manutergio involutum presentari fecit Priamo. quem ut 20
 vidisset ventoque sufflavit. bovarius autem predictus custos delicate
 nutritiv puerum, ut debebat, suum dominum, qui, ut crevit, secum ad
 armentum portavit, eique totum armentum^(d) gregemque commisit.
 grege vero illo custodiente, duodecim latrones insultum fecerunt
 ac vitulos necare ceperunt, in quos irrui eosque prostravit et 25
 spolia eorum presentavit. inde ille gaudens securus eiusque gre-
 gem commisit. parvo post transacto tempore, cum^(e) quidam vicini
 sui gregis taurus suo cucurrisset in prelium et accidisset ut suum
 vicisset vicinum, ille nempe recte diiudicans florum coronam vic-
 toris imposuit cornibus. victus improprium taurus in longinquis 30
 recessit et, maioribus arboribus, quas movere nequibat, innixus,
 circa ipsas tam diu pavit, quam usque eas cornibus movere po-
 tuit: deinde ad gregem rediit et de victore victoriam habuit.
 moxque Paris de suo capite diadema^(f) abstulit et illius fronti con-

(a) *S* obsidíne (b) *D* habere (c) *DS* mox (d) *DS* ornamentum (e) *D* om,
 cum (f) *S* diademam